

水經注釋

ル 5
141
2 止



門儿 5
流 141
卷 2

水經釋地

名
139
22

水經釋地卷五

淮水

曲阜 孔繼涵 誦孟

淮水出南陽平氏縣胎簪山

晉太康中分屬義陽郡隋屬淮安郡唐屬唐州宋廢元復至正間省入唐為在唐縣東南平氏保

東北過桐柏山東過江夏平春縣北

陳芳績曰未詳所自繼涵案地理志江夏十四縣有鍾武無平春郡國志十四城有平春國侯無鍾武或即鍾武更名歟宋書云晉孝武更平陽屬義陽郡隋開皇初更

名義陽後廢漢鍾武廢縣在今信陽州西南

又東過新息縣南

古息國漢屬汝南郡後漢析置褒信縣寰宇記曰本鄆縣地光武分立宋分南北二縣齊併唐初屬息州後屬蔡州金屬息州元省入息州明洪武四年州為息縣屬穎州十四年屬光州

又東過期思縣北

古蔣國漢屬汝南郡魏文帝分屬弋陽郡唐省在今固始西北七十里

又東過原鹿縣南

後漢屬汝南郡晉屬汝陰後無陳芳績曰未詳所自繼涵按郡國志即宋鹿上杜預曰原鹿縣也陰識傳建武十五年封識為原鹿侯

汝水從西北來注之又東過廬江安豐縣東北

漢屬六安國後漢屬廬江郡三國時改為安豐郡治梁天監元年遷於射鵠村隋屬淮安郡開皇元年遷於芍波唐屬壽州明省在今壽州南六十里

決水從北來注之又東北至九江壽春縣西

漢曰壽春邑後漢去邑字三國揚州淮南郡治東晉避鄭后諱改壽陽宋改曰睢陵大明六年復唐為壽州治

宋屬壽春府元屬安豐路明洪武元年省入壽州中都志云壽州西四十里有廢縣

泚水泄水合北流注之又東潁水從西北來注之又東過壽春縣北肥水從縣東北流注之

酈注云淮水於壽春縣西北肥水從城而北入於淮謂之肥口淮水又右納洛川於西曲陽縣北經所謂淮水逕壽春縣北肥水從縣東北注者也蓋經之謬矣是曰洛澗非肥水也

又東過當塗縣北

古塗山國漢屬九江郡三國時荒廢晉太康九年復置

屬淮南郡南北時爲荊州郡唐武德七年省入鍾離在今懷遠縣東南三里

過水從西北來注之又東過鍾離縣北

漢屬九江郡晉安帝時爲鍾離郡治宋書云流寓因配晉鍾離縣卽此地也按宋齊魏俱有燕縣而無鍾離想燕卽鍾離但未知何時改復何時復又按宋大明中遷治於城西四里爲今臨淮縣唐濠州治明洪武三年改名中立是年十二月又改名臨淮屬鳳陽府陳芳績曰春秋時爲鍾離子國後屬於楚魯成公五年叔孫僑如會吳於鍾離昭公四年楚箴尹宜咎城鍾離二十三年

吳人伐州來楚薳越帥師及諸侯之師奔命救州來吳人禦諸鍾離二十四年吳滅巢及鍾離而還則鍾離互為吳楚邊邑

又東北至下邳淮陰縣西

漢武帝置屬臨淮郡後漢永平十五年更臨淮為下邳國曹魏屬廣陵郡宋末東平郡領四縣僑治於此屬臨淮郡北齊改曰懷恩為淮州淮陰郡治隋書云北齊併魯富陵為懷恩後因改曰壽張隋開皇初復曰淮陰大業初併入山陽唐武德七年省乾封三年析山陽復置屬楚州宋紹興五年廢為鎮元省入山陽

泗水從西北來流注之又東過淮陰縣北中瀆水出白馬湖東北注之又東兩小水流注之又東至廣陵淮浦縣入海

漢屬臨淮郡後漢永平十五年更臨淮為下邳國其改屬廣陵則未詳何時晉屬廣陵郡宋屬臨淮郡齊建武二年省

汝水

汝水出河南梁縣勉鄉西天息山

漢屬河南郡東魏立北荊州及汝北郡治周和州治隋并屬襄城郡寰宇記謂改承休誤也唐貞觀元年省入

承休又更承休曰梁在今汝州西南四十五里

東南過其縣北又東南過潁川郟縣南

秦置屬潁川郡後漢省曹魏復置屬汝城郡晉屬襄城郡北魏曰峽城屬廣州南陽郡北齊省隋開皇初更曰汝南十八年又更曰輔城大業四年又更曰郟城元至元三年省入梁爲鎮大德八年復置明曰郟縣

又東南過定陵縣北

繼涵案地理志潁川郡有定陵縣爲春秋東不羹城魏改爲北舞郡治隋爲北舞縣屬潁川唐貞觀初廢在今舞陽北六十里汝南郡亦有定陵縣云高陵山汝水出

東南至新蔡入淮過郡四行千三百四十里据酈注滢水注此是潁川之定陵

又東南過鄆縣北

漢屬潁川郡宋元嘉二年將軍劉緬說曰城有百年之積若北朝保之未可敵也遂遣殷孝祖焚其倉糧縣遂廢魏以其地入曲陽齊天保七年於此置臨潁郡隋開皇初復置名鄆城十六年置道州大業初廢屬潁川郡唐武德四年爲道州治後改屬蔡州澉州終屬許州今仍

又東南過汝南上蔡縣西

宋汝南郡及司州治魏豫州及汝南郡治陳芳績曰按

宋魏州郡俱治懸瓠城乃上蔡之別城也疑其時上蔡

縣亦移治之否則郡縣各城唐初省復置屬蔡州元屬

汝甯

又東南過平輿縣南

古沈子國漢屬汝南郡北齊廢隋復唐屬蔡州元省入

汝陽故城在今潁州府南百里

又東至原鹿縣南入于淮

滢水

滢水出南陽魯縣西之堯山東北過潁川定陵縣西北又

東過鄆縣南

鄆注云滢水東逕西不羹亭南亭北背汝水于定陵城

北東入汝鄆縣在南不得過

東入於汝

濩水

濩水出濩陰縣西北扶予山

漢荊州南陽郡魏置舞陰郡又析舞陰置石馬縣後訛

上馬因改焉屬襄城郡隋改顯岡後廢唐武德四年屬

顯州後省在泌陽北六十餘里繼涵案漢地理志舞水

出潁川郡舞陽南蓋各以所指而言也

東過其縣南又東過西平縣北

漢屬汝南郡唐貞觀元年省入鄆城尋復屬蔡州元屬汝甯府酈注云滎水於濩陰縣北在會濩水之道稍西不出其縣南

又東過鄆縣南又東過定潁縣北東入於汝

後漢屬汝南郡陳芳績曰疑是漢之汝南郡定陵縣

瀕水

瀕水出濩陰縣東上界山東過吳房縣南

古房子國吳夫槩王奔楚封於此故曰吳房漢屬汝南郡魏更名遂甯屬豫州襄城郡隋大業初復名屬汝南

郡唐貞觀元年廢八年復元和十二年平吳元濟更名遂平屬蔡州移治文城柵南新城宋南渡後為吳房鎮金復元屬汝甯府

又東過濯陽縣南

漢屬汝南郡宋為瞿陽隋大業初省入汝陽在今汝甯遂平界

又東過上蔡縣南東入汝

濯水

濯水出汝南吳房縣西北奧山東過其縣北入於汝

潁水

潁水出潁川陽城縣西北少室山

晉改屬河南郡魏孝昌二年爲陽城郡治隋開皇十六年爲嵩州治大業初復屬河南郡唐萬歲登封元年改曰告成後復屬河南府周顯德五年省入登封在今登封縣北一里

又東南過其縣南又東南過陽翟縣北

禹所都漢爲潁川郡治三國時爲河南郡魏興和元年爲陽翟郡治隋開皇六年屬嵩州大業三年改屬襄城郡唐武德三年屬嵩州貞觀元年屬許州龍朔二年屬洛州會昌三年復屬許州宋屬潁昌府劉豫於此置潁

順軍金大定二十三年爲順州治二十四年爲鈞州治明洪武初省入鈞州今爲禹州

又東南過潁陽縣西

漢屬潁川郡魏屬陽城郡隋屬汝陰郡唐貞觀元年省入汝陰

又東南過潁陰縣西南

漢屬潁川郡魏貞君七年省入臨潁元象二年復屬鄭州潁川北齊省入長社陳芳績曰通鑑注在陳州西寰宇記在南頓西三十里今當在商水

又東南過臨潁縣南

漢屬潁川郡唐建中二年屬潁州貞元二年屬許州

又東南過汝南潁強縣北

三國後無隋開皇十六年置曰陶城大業初復屬潁川唐貞觀元年省入長社酈注云潁水又東逕潁陽城南潁強城在東北潁水不得逕其北也潁水又東南潁水入焉非洧水也西華縣北有習陽城潁水經其南經所謂洧水流注之也

洧水從河南密縣東流注之

古密國大騶山在其東即具茨山晉泰始二年分屬滎陽郡北齊文宣徙治周屬滎州隋初屬鄭州寰宇記云

大業十二年移於古法橋堡城唐武德三年為密州治四年并屬鄭州龍朔二年改屬河南府宋崇甯四年改屬鄭州宣和二年復屬河南府元至正二年改屬鈞州明屬河南府漢城在今縣東南三十里北齊城在今縣東四十里

又東過西華縣北

漢屬汝南郡晉初省入長平永康元年復屬潁川後屬陳郡隋開皇十八年更曰鴻溝大業初復名屬淮陽郡唐武德元年更名箕城貞觀元年省入宛邱長壽元年復置曰武城神龍元年又曰箕城景雲元年復故名屬

陳州

又南過汝陽縣北

漢屬汝南郡寰宇記云隋開皇十六年改為潁水隋志
大業三年省入潁水屬淮陽郡唐建中二年屬潁州興
元二年屬陳州宋徽宗宣祖諱改商水元末徙治舊南頓
又東南過南頓縣北

漢屬汝南郡宋為南頓郡治北齊改曰和城隋大業初
復名屬淮陽郡唐武德四年省入項城證聖元年復置
曰光武縣景雲元年復名屬陳州宋熙寧六年省元祐
元年復屬淮甯府金屬陳州元自汝陽界徙商水縣於

此仍屬陳州

潁水從西來流注之又東南至新陽縣北蒗蕩渠水從西
北來注之又東南至慎縣東南入于淮

漢屬汝南郡晉屬汝陰郡宋屬南汝陰郡東魏為南梁
郡治隋大業初於慎縣故地鄭城置汝陰郡改潁上縣
唐武德元年又徙治屬潁州金屬壽州元屬潁州陳芳
績曰在潁上西北六十里

潁水

潁水出潁強縣南澤中東入潁

潁水

水經釋地卷五
潁水出河南密縣大騁山東南入于潁

潁水

潁水出河南密縣西南馬領山東南過其縣南又東過鄭縣南潁水從西北來注之又東南過長社縣北

漢屬潁川郡隋開皇初改名潁川分其地置長葛縣唐武德四年復名爲許州治宋潁昌府治金元許州治明省入許州

又東南過新汲縣東北

漢屬潁川郡魏屬許昌郡隋省入扶溝在今扶溝縣西南二十里卽離下村

又東南過茅城邑之東北又東過習陽城西折入於潁

酈注在長平縣縣漢屬汝南郡後漢屬陳國酈注又云潁水逕辰亭東杜預曰長平縣東南有辰亭今此城在長平城縣西北長平城在東南或杜氏之謬繼涵按郡國志長平東南有辰亭春秋之辰陵長平西北有閭亭春秋之鬼閭閭田字聲俱近也酈所指者殆鬼閭耳非杜謬也

潁水

潁水出鄭縣西北平地東過其縣北又東南過其縣東又南入於潁水

決水

決水出廬江雩婁縣南大別山

三國分屬安豐郡晉仍以後無

北過其縣東又北過安豐縣東又北入于淮

泚水

泚水出廬江灄縣西南霍山東北

郡國志作潛誤也隋省元至治三年析懷甯置灄山縣

屬安慶路漢城在今廬江縣南二里

東北過六縣東北入於淮

漢屬六安國後漢曰六安屬廬江郡晉復名六後廢梁

天監四年析灄縣置曰岳山為霍州岳安郡治隋開皇
初更名霍山屬廬江郡唐開元七年更名盛唐縣宋政
和八年改升六安軍明洪武中省入六安州

泄水

泄水出博安縣

漢曰博鄉屬九江郡

北過芍陂西與泚水合西北入於淮

肥水

肥水出九江成德縣廣陽鄉西

晉已後無

北過其縣西北入芍陂又北過壽春縣東北入於淮

施水

施水亦從廣陽鄉與肥水別東南入于湖

戴氏東原云肥水別三字近譌在前肥水章北過上今改正

水經釋地卷五終

海甯錢保塘
華陽吳祖椿覆校

水經釋地卷六

江水

曲阜 孔繼涵 誦孟

岷山在蜀郡湔氐道

兩漢屬蜀郡縣有夷獠曰道徐宏祖溯江紀源云江河為南北二經流中國入河之水為省五入江之水為省

十一按其發源河自昆侖之南發于北者曰星宿海

佛經曰多河徒北流經積石東折入甯夏為河套又南曲為龍門

大河而與渭合發于南曰犁牛石

佛經曰關始東折而入麗江為金沙江又北曲為敘州大江與

岷山之江合按岷江經成都至敘不及千里金沙江經麗江雲南烏蒙至敘二千餘里特金沙江盤折蠻獠溪洞間水陸俱莫能溯在敘州者祇知其水出馬湖烏蒙而不知上流之由雲南麗江在雲南麗江者知其為金沙而不知其為出敘為江源而雲南又有二金沙江一南流北轉即此江也佛書謂碗伽河一南流下海即怒江佛書曰信度河不第此也岷流之南又有大渡河即雅西自吐番經黎雅與岷江合正金沙江西北其源亦長於岷而不及金沙故推江源者必以金沙為首李紱江源考昔人有以北金沙江為江源在西番境內莫得其詳按方輿路

程圖岷江與金沙江會合于四川之敘州各自敘州逆溯其源岷江源出岷山當北三十四度西十二度行五百餘里過黃勝關至松潘衛入四川境又南行五百里至茂州之長甯堡有黑水河來會又南行六百里經成都府西境至嘉定州青衣嘉定二江來會又二百餘里至敘州與金沙江合自發源至此僅一千八百餘里若北金沙江則發源于西番之阿克達母必拉必拉者江也當北三十二度半當西二十度經母魯斯烏蘇之拜圖都渾共南行千八百里過裏雍河屯始名金沙江又東南行九百里過塔城關至雲南麗江府又南行四百

里至陶營巡檢司又東北行千里至雪山入四川境又北行千二百里至打冲河來會又東行三百里至涼水井折而北行七百里又東行四百里至馬湖府又東行二百里至敘州府與岷江合自發源至此已六千九百餘里較岷江之源遠三四倍凡水以源遠者為主而源近者附之今自敘州會合之處逆溯二江之源修短懸殊如此乃不以行六千九百餘里者爲江源而以行一千八百里者爲江源此理之必不可者也按黃河發源北三十六度當西十九度與金沙江南北相距僅三度半東西則止偏西一度而河源之南金沙江源之北皆

高山聳峙蓋卽所謂崑崙山也河源在崑崙之陰江源在崑崙之陽而特徵偏西二百餘里也又有一源名鴉礮江卽所謂打冲河與金沙江會合于馬湖西境者也鴉礮亦發源于西番北境與青海南境接壤當北三十四度西十八度與河源南北相距僅二度東一度中阻高山蓋亦崑崙之陽而微偏東二百餘里者也其源從平地湧出源泉百十道與星宿海相同西番人名以查楚必拉蒙古人名以七察爾哈那衆泉會流爲大川南行二千里沿途納東西大水十餘處經四川西境始名鴉礮江又南行六百里入四川境過三渡水始名打冲

河西行三百里又南行五百里與北金沙江合又一千
六百里至敘州自發源計之共行五千里較岷山之源
亦幾至三倍而水勢甚大亦倍于岷江以源之遠論當
主金沙江以源之大論當主鴉礮江然不如金沙爲確
蓋金沙較鴉礮又遠千九百里源遠則流無不盛者若
岷江則斷斷然不得指爲江源也又按江河並發源于
崑崙河源在其北者已東趨陝西又折而北直趨塞外
鄂爾多斯又東行千餘里然後折而南由延安入陝再
折而東以入于海江源在崑崙南亦東南行已與四川
相近復南行直趨雲南東行千餘里然後折而北由雪

山入川再折而東以入于海兩大川始而相背繼而相
向有若黻文亞字焉

大江所出東南過其縣北又東南過犍爲武陽縣

漢屬犍爲郡後漢犍爲郡治梁武靈王以武陽改置靈
石縣屬靈石郡隋改隆山唐初屬陵州貞觀八年改屬
眉州先天元年改彭山明洪武九年省入眉州十三年
復故城在彭山東十里

青衣水沫水從西南來合而注之又東南過犍道北

漢屬犍爲郡梁武帝加縣字周改曰外江隋復名唐屬
戎州會昌二年馬湖江水漂蕩隨州遷治北岸宋政和

水經釋地卷六

四年更名宜賓敘州治元屬敘州路明屬敘州府

若水淹水合從西來注之又東渚水北流注之又東過江陽縣南

漢屬犍爲郡章武九年爲郡治梁大同中更名瀘川元至元二十年省入瀘川

洛水從三危山東過廣魏雒縣南

漢屬廣漢郡後漢益州刺史治魏曰廣魏晉泰始二年爲新都郡治宋復名唐爲漢州治元省入漢州

東南注之又東過符縣北

漢屬犍爲郡後漢更名荷節晉復名符屬江陽郡隋曰

合江屬瀘川郡唐元和十二年遷治屬瀘州宋移治安

樂故城元立于神臂江南屬瀘州

東 邪東南縉部水從符關東北注之又東北至巴郡江州縣

漢屬巴郡齊永明五年江州別遷又自涪州界陽關移

重慶府

強水涪水漢水白水宕渠水五水合南流注之又東至枳

縣西

秦置屬巴郡晉桓溫伐蜀移治鄰溪口周保定二年以

水經釋地卷六

五

故枳城立涪陵鎮隋開皇三年移漢平治枳城十三年
更名涪陵屬渝州唐屬涪州元至元二年省入涪州
延江水從牂牁郡北流西屈注之

秦爲黔中郡元鼎六年開領縣十七陳芳績曰按烏撒
志云漢分置牂牁郡屬十七縣且蘭卽普安營在馬湖
夜郎卽播州句町卽臨安餘十三縣必與四縣參錯在
貴州普定安莊烏撒畢節境內今不可考晉改牂牁爲
牂牁從牛屬益州隋屬梁州唐曰牂州武德四年更名
牂州尋復宋爲大萬谷樂總管府元屬順元路明屬貴
陽府漢郡治在今思南府西秘心傳靖州志云按宋教

授陳公顯云靖州古荆蠻牂牁郡楚頃襄王時遣莊蹻
從沅州伐夜郎軍至且蘭椽船于岸而步戰旣滅夜郎
因留滇池以且蘭有椽船處因名牂牁夫夜郎西南夷
大國也楚安得滅之且蘭在滇池東亦非今境明矣漢
武帝置牂牁犍爲皆夜郎故區有縣十七有故且蘭沅
水所出卽今州之北沅州與武陵長沙南越錯壤各有
蠻落而此又一囊穴也岡嶺崇複軌道四塞南聯粵越
東障長沙北及武陵而株連牂牁之東西隅于今爲湖
南北廣西之窮陬于唐爲誠州元和中會溪蠻南鈎牂
牁以叛中丞柳公綽自潭帥師屯武岡平之五代之亂

蓋附于楚宋建隆三年節度使周行逢死諸酋長各以其地自爲長雄太平興國四年誠州長楊通蘊納款五年揚通寶來貢命爲誠州刺史後土貢不絕章子厚開梅山之歲兩路招納後五年當熙甯九年始得誠州爲中國州自此始矣元祐二年改爲渠陽軍崇甯二年楊晟臻納貢賜名靖州凡縣三永平爲治邑據元志云且蘭唐之播州靖誌以此州芙蓉堡羅濛當之然唐播州郡宋廢爲播州城羅濛後爲遵義今廢爲寨去此絕遠其誤益甚惟夜郎壤地愈闊可以通稱唐初屢以名縣元和二年州廢縣隸臻州終唐之世臻有夜郎今隸瀘

州乃太白長流處謫仙竄夜郎孫季良又謂唐珍州也唐凡四夜郎而獎敘之夜郎爲今沅州縣爲古夜郎靖其夜郎牂柯之方隅也與

又東過魚復縣南

春秋時庸國之魚邑文公十年魚人逐楚師漢置屬巴郡章武二年更名永安仍爲巴東郡治晉太康元年復名魏更名人復唐貞觀二十三年更名奉節屬夔州治夷水出焉又東出江關入南郡界

史記六國表秦昭王二十九年白起拔郢更東至竟陵以爲南郡漢改臨江郡尋復吳曾移治江南南平郡唐

曰江陵府元曰中興路明曰荊州府

又東過巫縣南

秦置屬南郡三國初屬蜀昭烈章武中入吳晉屬建平郡隋曰巫山屬巴東郡唐屬夔州今屬江西

鹽水從縣東南流注之又東過秭歸縣之南

古歸國漢景帝置屬南郡蜀漢屬江陵郡晉屬建平郡齊屬巴州隋屬巴東郡唐武德二年爲歸州治宋端平初元兵至徙治江南曲沱次徙新灘又徙白沙又徙南浦今州治明省入歸州

又東過夷陵縣南

漢都尉治屬南郡吳改曰西陵屬宜都郡晉太康元年復舊名梁宜州治西魏拓州治周峽州治隋夷陵郡治唐仍峽州宋末屬遷治元復明省入峽州府

又東南過夷道縣北

漢屬南郡三國屬宜都郡隋開皇七年改屬夷陵郡唐貞觀八年省入宜都郡

夷水從佷山縣南東北注之

漢屬武陵郡東漢改屬南郡三國屬宜都郡晉太康元年改曰興山尋復通志云大業初更名長楊尋析其江北地置睦州尋廢州隋書云開皇八年置并立睦州十

七年州廢改屬南郡陳芳績曰按長楊是隋別置非卽
恨山其廢恨山縣在今同昌市長楊唐武德四年爲睦
州治八年改屬東松州後屬峽州繼涵按漢地理志夷
水出巫山東至夷道入江過郡二行五百四十里應劭
曰巫山在巫縣西南與水經異

又東過枝江縣南

古羅國秦置縣屬南郡唐上元元年省入長甯大曆六
年復置屬江陵府明洪武二十三年省入松滋尋復置
屬荊州府

沮水從北來注之又南過江陵縣南

漢析郢置屬南郡晉荊州治元中興路治明荊州府治
又東至華容縣西夏水出焉

古雲夢地屬南郡陳芳績曰楚子築章華臺其間特置
容城許遷縣之得名疑合容城章華言之也隋別移宋
至和中以水患遷復故城屬岳州

又東南當華容縣南涌水入焉

戴氏曰近譌涌水出焉攷涌水乃夏水枝分入江者非
從江出蓋後人因注文江水又東涌水注之譌爲經嫌
與之複妄改入作出耳

又東南涌水從西南來注之又東至長沙下雋縣北

漢屬長沙國三國分屬吳昌郡晉屬長沙郡宋元嘉十
六年改屬巴陵郡隋省入蒲圻唐天寶二年開山洞卽
其地置唐年縣屬江夏郡楊吳順義七年更名崇陽宋
屬鄂州熙甯五年析崇陽置通城縣元屬武昌郡
澧水沅水資水合東流注之湘水從南來注之又東北至
江夏沙羨縣西北

漢屬江夏郡吳省晉復治夏口屬武昌郡宋更名汝南
爲郢州治隋開皇初更名江夏治塗口唐鄂州治元屬
武昌路明屬武昌府

沔水從北來注之又東過郢縣南

楚滅邾徙其君于此漢立爲縣屬江夏郡曹魏爲雄鎮
晉改屬弋陽郡永嘉後移西陽縣治故邾城上流五里
唐中和五年隨黃州遷治古邾城臨江與武昌相對曰
黃岡宋屬黃州

鄂縣北

秦屬南郡漢屬江夏吳甘露初更名武昌晉又分武昌
置鄂隋復省入武昌宋壽昌軍治元屬武昌路明屬武
昌府

又東過蘄春縣南

漢屬江夏郡晉改屬弋陽郡孝武改名蘄陽宋大明八

水經釋也

卷六

十

年改屬西陽郡隋開皇十八年復名蘄春唐蘄州治宋
景定四年遷治麒麟南爲蘄州治明洪武九年省入蘄
州今州北六十里羅州故城是
蘄水從北東注之又東過下雉縣北

漢屬江夏郡吳分屬武昌郡晉義熙中省入陽新南唐
以其爲大治通山二縣

利水從東陵西南注之

案水經于沔水內敘其入江之後所過蓋與江水合沔
之後詳略兩見今江水止于下雉縣而沔水內訂其錯
簡又東過彭蠡澤又東過皖縣南又東至石城分爲二

其一東北流又東北出居巢縣又東過牛渚又過毗陵
縣爲北江參以末記禹貢山水澤地北江在毗陵北界
東入于海下雉縣以下大江入海之大略固具在道元
于江水敘次必詳悉自宋時已闕逸矣

夷水

夷水出巴郡魚復縣江東南過佷山縣南又東過夷道縣
北東入于江

夏水

夏水出江津于江陵縣東南東過華容縣南又東至江夏
雲杜縣入于沔

漢屬江夏郡後漢析置南新市縣晉元康九年分屬竟陵郡梁更名竟陵屬沔陽郡唐屬復州晉天復元年更名景陵宋末徙治無常元復明屬沔陽州陳芳績曰竟陵雲杜自梁隋之時一存一廢或遷治或更名二城遂名亂而不詳其本焉故志以景陵爲竟又以其城爲雲杜城通志以郢爲雲杜地一統志又以京山爲雲杜地安陸志又以郢爲漢竟陵縣諸說紛紛莫知所在蓋竟陵之名昉於史記世家漢興因以爲縣秦漢止一竟陵至晉以下郡縣各一安陸志所云謂晉竟陵郡治可也謂漢竟陵縣治不可也桑欽水經沔水東過雲杜又云

夏水出江東至雲杜入沔今夏水入沔處淤塞無攷度其勢當經竟陵地若是則今縣治信雲杜也穀梁傳水北曰陽雲杜在沔北故梁置沔陽郡治此晉書杜預開楊口起夏水達巴陵胡三省引水經注楊水逕竟陵縣北謂之楊口據此則夏水入沔處又當爲竟陵不爲雲杜矣何與欽異乎漢書劉元傳馬武王常拔竟陵擊雲杜李賢註雲杜故城在復州沔陽縣西北竟陵故城在郢州長壽縣南唐太子賢所註沔陽長壽皆自當時郢復二州附郭之縣而言其曰沔陽西北者正今景陵治益可見其爲古雲杜矣其曰長壽南者則無其地水經

書傳漢書皆云章山古之內方在竟陵東北而荆門安陸漢川志俱有章山未知孰是史記正義竟陵在長壽縣西一百五十里頗與賢同水經注巾水西逕楊水謂之巾口水西有竟陵故城古鄖國也今景陵西三十里有巾港港西有城城多荒地蓋自梁已廢正在長壽南百五十里頗與水經注正義合意梁置沔陽郡遂省雲杜而徙竟陵于此爾玉海以沔陽縣為雲杜豈指今州治耶今州治非梁郡故治恐其說亦誤姑識之以俟博文君子

湏水

湏水出蔡陽縣

漢屬南陽郡晉太康中分屬義陽郡宋大明元年省梁復置為蔡陽郡魏為南雍州治西魏蔡州治隋屬春陵郡今裕州萊山北五里有蔡陽城

東南過隨縣西

古厲鄉漢屬南陽郡晉太康中改屬義陽郡惠帝分為隨郡治宋泰始五年改曰隨陽為郡治齊復曰隨魏大統中為并州治隋文帝去是為大業初為漢東郡治元至元中治黃仙洞後為賊據明洪武三年州廢改屬德安十三年升為州

又南過江夏安陸縣西又東南入于夏

漢屬江夏郡寰宇記春秋時鄖國楚滅之封鬬章于鄖公卽其地陳芳績按郡城今在瀆水之濱一名石潼故城雲夢之澤在焉按漢水入二百里得鄖口有村又三百里得鄖城卽楚邑也宋爲安陸郡治唐爲安州治宋德安府治明洪武九年省入德安州十三年復爲德安府治

澇水

澇水出江夏平春縣西南過安陸縣入于瀆

澇水

澇水出隴西氏道縣嶓冢山

漢屬隴西郡三國後無今在蘭州西

東至武都沮縣

漢屬武都郡三國曰沔蜀以其當要衝分立武興城遣蔣舒爲武督守之鍾會來伐舒遂降晉復曰沮氏人楊茂據武都其後楊鼠分王武興魏爲東益州及武興郡治西魏爲興州治周遷順政郡治此改曰順政縣隋順政郡治寰宇記云實興州注云今州治卽武興序順政云卽漢曲疑魏略陽僑治于此武興與漢曲同在一城故其後皆曰改順政唐興州治宋開禧二年更名略尋

復名屬沔州元改曰略陽明洪武七年改屬甯羌州
為漢水又東南至廣魏白水縣西

漢屬廣漢郡建安二十二年分屬梓潼郡宋屬晉壽郡
西魏改曰永歸寰宇記云本臨津地西魏置唐屬劍州
宋乾德五年廢酈注云白水東南逕白水縣故城東經
云漢水出其西非也

又東南至葭萌縣東北

華陽國志云昔蜀王封其弟葭萌于漢中號曰苴侯因
命其邑曰葭萌苴侯與巴王為好巴與蜀為讐故蜀王
怒伐苴侯苴侯奔巴巴為求救于秦秦惠文王遣張儀

司馬錯從石牛道伐蜀蜀王自葭萌禦之敗走至武陽
為秦軍所害秦遂滅蜀因滅巴苴置巴蜀二郡漢屬廣
漢郡建安二十二年分屬梓潼郡昭烈更名漢壽晉太
康元年更名晉壽西魏改曰興安屬利州隋開皇十八
年更名綿谷義成郡治唐利州治元廣元路明洪武九
年省入廣元州復降為廣元縣屬保甯府
與羌水合又東南過巴郡閬中縣

秦置以閬水迂曲繞縣三面為名屬巴郡建安六年分
為巴西郡治梁北巴郡及北巴州治魏盤龍郡及龍州
治隋閬中治元保甯府治明洪武七年移今治仍為保

甯府治故城在府東二十里

又東南過江州縣東東南入于江

潛水

潛水出巴郡宕渠縣

秦置屬巴郡漢昭烈分爲宕渠郡尋屬巴西郡宋南宕

渠郡治梁太清元年立景陽郡唐巴州治寶曆元年省

入蓬山大中中復置屬蓬州宋乾德三年省在今順慶

府北四十里

又南入于江

羌水

羌水出羌中參狼谷又東南至廣魏白水縣與漢水合又

東南過巴郡閬中縣又南至墊江縣

漢屬巴郡建安六年分屬巴西郡建西十五年復屬巴

郡齊屬甯蜀郡梁楚州宕渠郡治西魏恭帝二年改曰

石境隋曰石鏡涪陵郡治唐合州治後晉天福七年遙

改爲仙覽宋更名石照元屬合州明省入合州

東南入于江

涪水

涪水出廣魏涪縣西北

漢屬廣漢郡先主分屬梓潼郡曰涪城梁潼州治西魏

涪城郡治周西城郡治隋開皇初改曰安城十二年復
名屬金山郡唐大曆十三年改屬梓州宋屬潼川府至
元二十年省入邽故城在今潼川州西北六十里
南至小廣魏縣

漢曰廣漢屬廣漢郡曹魏改曰小廣魏宋改屬遂甯郡
齊屬甯蜀郡隋開皇初省入通泉唐景龍元年以廣漢
故地置遂甯縣屬遂州至元十九年省入小溪在今潼
州府

與梓潼水合

梓潼水

梓潼水出其縣北界西南入于涪又西南至小廣魏縣南
入于墊江

南沮水

南沮水出漢中房陵縣東山

春秋爲楚之防諸秦置屬漢中郡漢建安十三年改屬
新城郡西魏更名光遷爲光遷國治周爲遷州治隋屬
房陵郡唐貞觀十年復名爲房州治明洪武元年省入
州八年降爲房縣屬襄陽府成化十二年改屬鄖陽府
戴氏云東山近訛淮水二字据漢書改

東南過臨沮縣界

水經

卷六

七

漢屬南郡曹魏改屬襄陽郡宋屬南郡隋省唐武德四年析當陽復置八年省在今南漳縣地

漳水

又東南過枝江縣東南入于江
漳水出臨沮縣東荆山東南過蓼亭又東過章鄉南又南至枝江縣北烏扶邑入于沮

沔水

沔水出武都沮縣東狼谷中東過南鄭縣南
漢漢中郡治梁為北梁州治西魏廢帝三年更名光義隋復名為漢川郡治唐興元府治今仍

又東過城固縣南

漢屬漢中郡治北城建興七年諸葛亮築更名樂城晉復名北魏武帝遷壻鄉川唐武德二年更名曰唐固貞觀二年復名屬興元府故城在今縣東六里

又東過魏興安陽縣南

漢屬漢中郡東漢末省曹魏復置屬魏興郡晉太康元年更名安康屬魏興郡宋末為安康郡治隋并屬西城郡魏為東梁州治蕭詧為戎州治唐武德元年為西安州治貞觀元年并屬金州至德二載更名漢陰宋紹興二年遷治新唐以舊縣為鎮嘉定三年升激口鎮為漢

水經釋地 卷六
陰縣屬金州元省入金州明復置屬金州故縣在今縣西二十四里

涔水出自旱山北注之又東過西城縣南

漢屬漢中郡建安二十年分屬西城郡曹魏屬魏興郡梁南梁州治西魏金州治周省入吉安隋開皇十八年以吉安移治大業三年更名金川為西城郡治義甯二年復名西城唐金州安康郡治元省入金州在興安州西南三里

又東過堵陽縣

漢屬南陽郡陳芳績曰宋永初郡國有赭陽徐志無齊

置方城縣為襄城郡治疑即赭陽城唐武德二年為北澧州治貞觀八年魯州治九州改屬泌州宋慶曆二年省入南陽元豐元年復元裕州治明省入裕州故城在裕州東六里

堵水出自上粉縣

兩漢及晉志俱無此縣酈注云堵水出建平郡界故亭谷東歷新城郡郡故漢中之房陵也漢末以為房陵郡魏文帝合房陵上庸西城立以為新城郡以孟達為太守治房陵故縣有粉水縣居其上故曰上粉縣陳芳績曰新城郡疑于建安二十年間改房陵故有房陵太守

而無新城太守魏黃初元年以三郡爲新城郡是又復故名耳諸書不能詳或曰建安中立或曰魏文帝立皆誤實字記房州房陵縣下粉水源出房陵縣東北永林山注水經云粉水導源東流經上粉縣取此水以淘粉則皓曜鮮潔有異眾流又云粉城因粉水爲名太平御覽引盛宏之荊州記云堵陽縣有粉水源出房陵縣取其水爲粉鮮潔異于餘水故因粉爲名也巴郡臨江縣有此水故官獻之也繼涵按上諸說是上粉爲房陵分縣應是黃初立郡時所分而晉志失之爾

北流注之又東過鄖鄉南

郡縣志江夏郡竟陵侯國有鄖鄉酈注曰縣故黎也卽長利之鄖鄉矣地理云有鄖關晉太康五年立以爲縣繼涵按漢漢中之長利東漢省入錫晉武帝太康四年復置屬魏興郡五年改爲錫漢漢中之錫爲春秋之錫穴秦置屬南陽郡漢屬漢中郡建安十三年改屬新城郡至宋改鄖鄉縣屬魏興郡據酈注是魏復以錫爲長利然魏之長利今之鄖縣鄖西地隋以後之長利今之上津縣地也

又東北流又屈東南過武當縣東北

漢屬南陽郡建安十三年分屬南鄉郡晉太康中改屬

順陽郡宋始平郡治齊齊興郡治梁興州及始平郡治魏武當郡治隋開皇初均州治大業初改屬淅陽郡義甯二年復為均州治明洪武九年省入均州

又東南過涉都城東北

郡國志筑陽侯國有涉都鄉

又東南過鄧縣之西南

漢屬南陽郡太康中為順陽郡治梁為鄧城郡治周省入陰城宋乾德二年置乾德縣于陰城為光化軍治熙甯五年軍廢更名縣遷治于鄧屬襄陽府元屬襄陽路明屬襄陽府按鄧有二在南陽者音鄧在沛者本作鄜

音嗟

又南過穀城東又南過陰縣之西

左氏傳遷陰于下陰即此漢屬南陽郡晉太康中改屬順陽郡江左分屬廣平郡梁屬南陽郡西魏改曰陰城屬鄧城郡周屬襄陽郡唐武德四年屬鄧州五年屬襄州貞觀八年省入穀城為鎮宋乾德二年析穀城三鎮置乾德縣復遷治鄧城今漢縣在穀城境

又南過筑陽縣南

漢屬南陽郡晉太康中屬順陽郡宋大明中為扶風郡治梁分屬義成郡隋省故城在今穀城東四里案又東

過堵陽縣至此原本及近刻並訛在沔水之末以沔水下表目而又東過襄陽縣北至注內附敘三江所終並訛在前以沔水中表目考錫縣故城在今陝西興安州白河縣東堵陽故城在今湖北鄖陽府鄖縣西南白河縣東接鄖縣沔水逕錫縣北歷姚方卽至堵陽又隆中在今襄陽縣西二十里襄陽故城卽今縣治沔水逕隆中歷孔明舊宅卽至襄陽城移近刻所謂沔水下者于沔水中之前則敘次不紊矣今改正

北 筑水出自房陵縣東過其縣南流注之又東過山都縣東

漢屬南陽郡晉屬襄陽郡宋屬新野郡周省入安養今鄧州南七十里古村城世傳卽漢山都縣城

又東過襄陽縣北

漢屬南郡建安十三年屬襄陽郡今襄陽府

又從縣東屈西南清水從北來注之又東過中廬縣東

漢屬南郡晉屬襄陽郡梁更名穰西魏改曰義清屬歸

義郡隋屬襄陽郡唐屬襄州宋太平興國中復名中廬

屬襄陽府紹興五年省入南漳在襄陽府城南

維水自房陵縣維山東流注之又南過卽縣東北

漢屬南郡晉屬襄陽郡隋無戴氏震云漢書同漢中志

及巴漢志並云房陵縣有維山維水所出近刻作淮水
淮山者誤也

又南過宜城縣東

秦爲鄢縣漢惠帝三年更名宜城屬南郡曹魏屬襄陽
郡南北代省唐天寶七載改梁置率道縣爲宜城今仍
故縣在今縣南九里

夷水出自房陵縣東流注之又東過荆城東

郡縣志引杜預曰當陽縣東有權城疑卽此

又東南過江夏雲杜縣東夏水從西來注之又南至江夏
沙羨縣北南入于江與江合流又東過彭蠡澤又東北出

居巢縣南

漢屬廬江郡梁更名曰蘄隋省入襄安武德三年置巢
縣屬廬州宋太平興國三年分屬無爲軍元屬無爲州
金屬廬州府

又東過牛渚

吳志周瑜傳瑜恩信著於廬江出備牛渚

縣南

酈注謂安得邏牛渚而方界石城戴氏案牛渚乃山名
非縣名大江過其北非過其南縣南二字之上有脫文
牛渚在今當塗縣西北二十里石城故城在今貴池縣

水經釋地 卷六
西七十里道元辯經之誤云不得逕牛渚而方屆石城也今攷石城不特在牛渚西且在居巢西居巢故城今在巢縣東北五里漢書地理志丹陽郡石城下云分江水首受江東至餘姚入海餘姚當是餘杭之誤作水經者本之曰至石城縣分爲二其一東北流其一又過毗陵縣北爲北江又東至會稽餘姚縣東入于海以地望推之訛舛不可通河水與江合流又東過彭蠡澤下當云又東過皖縣南又東至石城縣分爲二其一東北流又東北出居巢縣南又東過牛渚又過毗陵縣北爲北江其一東至會稽餘杭縣東入于海則與漢志適協不

言北江所終者水經之末記禹貢山水澤地所在云北江在毗陵北界東入海大江源委固首尾完備矣然河水經文自彭蠡以下在道元時已倒亂道元雖正其失而言之亦未能明析是以自言緝綜所躔未必一得其實也

又東至石城縣分爲二

漢屬丹陽郡吳永安中分屬故鄣郡晉永和四年分屬宣城郡隋開皇元年省入南陵九年析南陵西三鄉石城故址置秋浦縣屬宣州唐武德四年爲池州治貞觀元年還屬宣州永泰元年復爲池州治尋徙去東北七

十里偽吳順義六年更名貴池縣

其一東北流其一又過毗陵縣北為北江

秦置曰延陵漢高帝更名毗陵屬會稽郡晉永嘉五年

避東海王越世子諱改名晉陵隋為常州治唐同光中

吳揚浦據之遷治晉陵城金斗門外名武進縣屬常州

明洪武元年省入武進縣

又東至會稽餘姚縣東入于海

秦置漢屬會稽郡隋開皇元年省入句章唐武德四年

復置為姚州治七年復屬越州元貞元年升為州明

洪武二年復為縣屬紹興府

涔水

涔水出漢中南鄭縣東南旱山北至安陽縣南入于沔

安陽近訛沔陽按沔水經文東過魏興安陽縣南涔水

出自旱山北注之非沔陽甚明

均水

均水出析縣北山

楚白邑左傳昭公十八年遷許于析實白羽即此秦置

中鄉縣屬南陽郡漢更名析縣屬宏農郡後漢改屬南

陽郡晉屬順陽郡魏置浙川並立析陽郡周省入內鄉

武德二年析內鄉置浙川縣屬遷州五年省後復置屬

商州金屬鄧州武康軍至元二年省入內鄉明成化七
年析內鄉西南境復置屬南陽府

南流過其縣東又南當涉都邑北
後漢志筑陽有涉都鄉

南入于沔

丹水

丹水出京兆上洛縣西北冢嶺山

漢元鼎四年析商縣置屬宏農郡其地險阻王莽命明
威侯王級曰繞雷之國南當荆楚繞雷者言四面塞阨
屈曲水回繞而雷即今之盤十二繞後漢改屬京兆詳

見洛水

東南過其縣南又東南過商縣南

古商於秦置商縣置內史漢武帝分屬宏農後漢改屬
京兆晉泰始二年改屬上洛郡宋屬梁州南上洛郡東
魏屬洛州之上庸郡隋屬上洛郡唐屬商州金貞元二
年省入上洛為鎮明成化十三年析商州置屬商州
又東南至丹水縣

春秋三戶地漢屬宏農郡後漢改屬南陽郡晉分屬順
陽郡周改屬淅陽郡唐省陳芳績曰南陽府志載括地
志云故丹水城在內鄉西南一百三十里南去丹水二

百步彼所謂內鄉實今西峽口以道里推之當在上白亭保近有大水泛出漢丹水縣丞功勳碑在鮎魚岸側可驗舊志謂赤眉城爲丹水縣非是在今內鄉西南一百二十里

入于均

粉水

粉水出房陵縣東流過郢邑南又東過穀邑南東入于沔

清水

清水出宏農盧氏縣支離山東南過南陽西鄂縣西北

漢屬南陽郡陳芳績曰宋永初郡國有徐志無故城在

今南陽府北五十里

又東過宛縣南

古申伯國秦置漢屬南陽郡周省入上陌隋開皇初復更名南陽屬鄧州改屬南陽郡唐武德三年爲宛州治八年還屬鄧州聖歷元年更名武臺神龍初復故名宋屬鄧州武勝軍元屬南陽府

又屈南過育陽縣東

漢屬南陽郡後漢曰育陽邑晉孝武更名云陽隋省唐武德三年復置八年省入南陽今在南陽府東清水南陽縣志云在縣南瓦店保又云南七十五里

水經釋地卷六
又南過新野縣西

漢屬南陽郡宋元嘉末省大明元年復置為新野郡治
周省魏分為西棘陽隋開皇以西棘陽為新野唐乾元
元年省元復置屬鄧州
又南過鄧縣東南入于沔

湍水

湍水出酈縣北芬山

漢屬南陽郡隋開皇初更名菊潭縣唐初為朱粲所屠
凋殘遂廢即今南酈城也開元二十四年析新城之北
酈復置菊潭縣屬鄧州後無漢縣在今內鄉東北屯頭

保即南酈城唐縣亦在內鄉東北屯頭保即北酈城
南流過其縣東又南過冠軍縣東

漢武帝析穰置以封霍去病以其功冠諸軍故名屬南
陽郡後漢曰冠軍邑魏太和二十二年析北境置新城
西魏更名臨湍唐貞觀元年省入臨湍在今鄧州西北
五十里

又東過白牛邑南又東南至新野縣東入于消

比水

比水出比陽東北太胡山
漢屬南陽郡宋屬廣平僑郡魏為西郢州治西魏鴻州

治周貞昌郡治隋大業省戴氏云比近訛泚三十二卷
泚水亦訛作泚漢書地理志南陽郡比陽應劭曰比水
所出東入蔡又廬江郡灄縣泚山泚水所出北至壽春
入芍陂師古曰音比又布几反今據以定二水之名
東南流逕其縣南泄水從南來注之又西至新野縣南入
於清

白水

白水出朝陽縣西

漢屬南陽郡晉太康中分屬義陽郡宋改屬順陽郡隋
後無故城在南陽府東朝水之陽俗呼刁城或云在鄧

州南八十里北屬鄧州境南屬襄陽境俗呼為朝王城
東流過其縣南又東至新野縣西東入於清

蘄水

蘄水出江夏蘄春縣北山南過其縣西又南至蘄口南入
于江

水經釋地卷六終

文十一

水經釋地卷六終

海甯錢保塘
華陽吳祖椿覆校

水經釋地卷七

曲阜 孔繼涵 補孟

沫水

沫水出廣柔徼外

廣柔縣漢屬蜀郡後漢靈帝分屬汶山郡周置北川縣
即其地今石泉縣也石泉唐貞觀八年析汶山置漢廣
柔縣在今汶川縣西七十里

東南過旄牛縣北

古旄地漢屬蜀郡東漢延光元年改屬蜀郡屬國都尉
三國屬漢嘉郡宋屬沈黎郡隋初為大渡戍大業二年

水經釋地卷七

改爲陽山鎮唐武德元年析臺登置陽山縣屬登州州

廢屬雅州貞觀二年屬黎州天寶元年更名通望縣宋

慶厯八年省入漢源在大渡河北漢水西

又東至越嶲靈道縣出蒙山南

漢屬越嶲郡蜀都賦闢靈關以爲門蓋其關甚險晉改

護龍縣後無

東北與青衣水合東入于江

青衣水

青衣水出青衣縣西蒙山

漢屬蜀郡陽嘉二年更名漢嘉延光元年改屬蜀郡屬

國都尉三國漢嘉郡治宋屬晉原郡隋後無在名山縣境

東與沫水合也至犍爲南安縣入于江

漢屬犍爲郡唐武德五年省入洪雅縣貞觀七年復置

八年省在今嘉定州境

若水

若水出蜀郡旄牛徼外東南至故關爲若水也

契臯倪氏曰金沙江卽若水土名穆魯烏蘇發源於旄

牛石下旄與麓通故名麓水後訛爲麗江此麗江所由

稱也

南通越嶲邛都縣西

古徼外夷地滇之君長數十惟邛都最大武帝誅邛君置邛都縣屬越嶲郡宋爲郡志隋析邛都置越嶲縣唐高宗上元二年徙治大會川因更名會川屬嶲州會川爲漢會無地

直南至會無縣

漢屬越嶲郡隋無唐上元二年徙邛都于此更名會川屬嶲州五代南詔蒙氏立會同府置立驗元爲永昌州治明爲迷易所

淹水東南流注之又東北至犍爲朱提縣西爲瀘江水

漢屬犍爲郡永初元年改屬犍爲屬國都尉建武十八年滇夷反殺長吏益州太守繁勝之退保朱提十九年遣武威將軍劉尚討平之隋無唐貞觀四年復置屬南通州八年廢入撫夷寰宇記云武德元年置安上縣七年改朱提屬曲州陳芳績曰烏撒衛志辨朱提在今烏撒不在烏蒙也又云唐蒙司馬相如通道適經烏撒南至滇雲雖云險阻視餘四路猶易往來繁勝之退保朱提亦在烏撒不在烏蒙古滇說以朱提註烏蒙非也滇紀編年引契臯倪氏曰漢武初通夜郎置犍爲郡以邛苻爲治所今之敘州府也邛在敘西南苻在敘西北

二小國名也今馬湖府嘉定州眉州皆犍為地全在四川省○次誅且蘭君置牂牁郡初治今之定番州繼徙治播州又徙治烏邱朱提今遵義府貴陽府黎平府普安府昭通府臨安府廣西府皆牂牁地也凡八府州在貴州者五在雲南者三○繼誅邛君苻侯諸夷震恐皆請臣置吏以邛都為越嶲郡邛州為治所今建昌府會理州鹽井衛雅州府麗江府皆越嶲地而楚雄姚安屬之黑白二井亦屬越嶲境地凡三府一州一衛二井在四川者四在雲南者三○以邛苻為沈黎郡黎州為治所今安撫司全屬皆其地也以冉隴為汶山郡茂州為

治所今威州以及松潘安綿等處皆其地也全在四川省○以廣漢西白馬為武都郡階州為治所今兩當文成等縣皆其地也全在甘肅省○最後滇王舉國降以其地為益州郡滇池縣為治所今雲南澂江楚雄姚安大理蒙化是也全在雲南省○此滇省各郡境土史漢西南夷傳本是分明後世易置紛紜遂成淆混及王莽改犍為為西順郡牂牁為同亭郡越嶲為集嶲郡益州為就新郡變更錯雜竟至人莫能名且以鉤町換爵之故大結不解者二三十年洎後哀牢內附明帝置永昌郡先主又析越嶲屬國置朱提郡犬牙相錯未免小有

水經釋地 卷七
異同然不聞益州郡移治所而去滇池也後世分益州
部益州郡爲二而且云益州刺史統益州郡太守如是
則有若冀州豫州亦將更有冀州郡豫州郡乎必不然
矣至成都秦時所名漢興易名廣漢至東漢而稱益部
亦不知幾時寄治益州于漢州及劉焉始爲益州牧移
治綿竹後因綿竹火復移治成都焉卒子璋領之先主
奪璋地遂自領益州牧卽位後以諸葛亮領之亮南征
分益州爲建甯郡而益州故治竟不復矣後世以成都
本係益州者非也○又按通典秦有監察御史監諸部
漢興省之乃遣丞相史分刺諸州無常員武帝元封五

年始置部刺史掌詔六條察吏凡十三州焉居部九歲
舉爲首相禹貢九州之外加以幽州及交州朔方而十
七初郡不與也刺史秩六百石成帝綏和九年以刺史
位下大夫而臨二千石輕重不相等乃更爲州牧秩眞
二千石位次九卿九卿缺以高第補光武建武十八年
復爲刺史外十二州各一人其一州屬司隸則是所建
初郡十七仍不與也帝以八月巡行所部郡國各遣一
吏迎之境上至則錄囚徒考殿最初歲盡詣京師奏事
中興以來但因計吏不復自詣京師皆有從事假佐至
靈帝中平五年天下方亂故太常劉焉建議以爲四方

兵寇由于刺史權輕且用非其人所致宜改置牧伯選清名重臣以居其任會刺史卻儉賦斂煩擾謠言遠聞而耿鄙張懿劉虞爲盜所殺朝廷遂從其議選列卿尙書爲州牧以本秩居任以劉焉爲益州劉虞爲幽州州牧之任自此始重矣以此觀之益州之有牧斷自劉焉始在前十三州置刺史益州固未嘗有也通志序李暉拜益州太守與益州刺史龐芝同討叛蠻云云似誤恐是遣李暉代任而互相宣力不可知耳蓋改益州郡爲建甯郡分永昌建甯爲雲南郡分建甯牂牁爲興古郡俱領于益州刺史實在蜀漢時自此成都方崱爲益州

耳周昱按倪氏說以益州有牧始自劉焉似已至其言益州只有郡太守並未置部刺史而引武帝分十三部于禹貢九州之外加幽州交州朔方爲証殊不知改雍爲涼改梁爲益漢書地理志業有明文且如王尊王陽張喬輩先後爲益州刺史載在前後漢書者不一而足不特龐芝爲無可疑也若云既有益州郡太守卽不應更有益州部刺史何以既有朔方郡太守又有朔方部刺史乎至稱成都秦時所名漢興易名廣漢按地理志成都縣隸蜀郡此外另有廣漢郡未聞卽改成都爲廣漢更不當混而一之者也要之益州在西漢時已有刺

史其治所在雒即今漢州毫無疑義固不必徒逞臆斷也

又東北至熒道縣入于江

淹水

淹水出越嶲遂久縣徼外

漢元封二年開置屬越嶲郡建興二年分屬雲南郡晉後無

東南至蜻蛉縣

漢元二年置屬越嶲郡建興二年分屬雲南郡晉成帝改屬興甯郡隋無唐武德四年復置屬西僕州後屬髡

州至宋段氏名大姚堡元初置大姚堡二千戶所至元

間改大姚縣屬姚州明屬姚安軍民府

又東過姑復縣南

漢屬越嶲郡建興二年分屬雲南郡劉宋更分東姑復西姑復齊仍之後無

東入于若水

油水

油水出武陵孱陵縣西界

漢屬武陵郡陳芳績曰魏氏春秋言劉備在荊州所都改曰公安誤也楚志云獻帝建安中以備為左將軍領

荆州牧而備營油河口俗號左公邑因以全始號公安
江表傳曰周瑜爲南郡守分南岸地以給備備別立營
于油河口故名公安是公安之名指油河口劉備營而
言若孱陵則直至隋而後改名公安袁宏道作公安志
其論甚詳亦未及此晉太康元年分屬南平郡隋平陳
時更名公安唐屬荆州江陵郡宋嘉熙中遷治油河口
之東南屬江陵府袁中郎公安志云晉江安卽今治元
屬荆州路明屬荆州府

澧水

東過其縣北又東北入于江

澧水出武陵沅縣西歷山
漢屬武陵郡吳孫休永安六年改屬天門郡晉省入澧
中岳志云卽今九谿城業九谿衡去慈利北九十里又
有沅城去慈利西二百四十里相傳在九谿西北或云
桑林山水清曠是其地

東過其縣南又東過零陽縣之北

屬武陵郡吳永安六年爲天門郡治周建德中爲北衡
州治故城在今慈利縣東三里慈利隋開皇中曰零陽
十八年更名慈利屬崇州大業初改屬澧陽郡元元貞
元年升州明洪武二年改爲縣屬澧州隆慶四年遷治

于澧陽山鬱富塔坪其廢城在今縣南二百里
又東過作唐縣北

後漢建武二十六年析孱陵置屬武陵郡晉太康初屬
南平郡隋開皇初更孱陵曰公安而更作唐曰孱陵唐
貞觀元年省入安鄉及公安故城在今公安西南二十
五里大光村
又東至長沙下雋縣西北東入于江

沅水

沅水出牂牁故且蘭縣
故且蘭侯邑漢元鼎六年誅且蘭君置郡陳芳績曰雲

南省志云元封五年置五縣屬牂牁郡曰故曰且蘭曰
平夷曰漏臥曰句町未知何據隋開皇初為牂牁縣郡
治唐武德二年更名建安縣為牂牁治後無
為旁溝水又東至鐔成縣

漢屬武陵郡晉安帝省入沅陵在今黔陽縣東
為沅水東過無陽縣

漢屬武陵郡縣境北拒天門淩中南極郡陽武岡縣西
接甯州牂牁在舞水之陰東漢省入辰陽晉太康中復
置屬武陵郡陳屬沅陵郡隋開皇九年省入辰陵在今
辰溪縣北

又東北過臨沅縣南

漢屬武陵郡梁為武州及武陵郡治隋開皇初更名武

陵朗州武陵郡治宋常德府治

又東至長沙下雋縣西北入于江

延江水

延江水出犍為南廣縣

漢屬犍為郡三國屬朱提郡晉懷帝分為南廣郡治隋

仁壽初更名南溪縣屬犍為郡唐戎州治宋乾德中移

治舊奮城屬戎州元屬敘州

東至牂牁縣

漢屬牂牁郡晉永嘉五年改屬平夷郡隋無

又東屈北流至巴郡涪陵縣注更始水

漢屬巴郡在其南鄙建安六年分為涪陵郡周更名曰

漢平隋開皇三年遷治枳唐貞觀四年隨黔州遷治曰

彭水縣宋紹慶府治明改屬重慶府

又東南至武陵西陽縣

漢屬武陵郡蜀漢別置于涪陵界隋無寰宇記云蜀漢

西陽在今三奇縣西一百九十餘里漢西陽在溪州大

鄉界與黔州相去千餘里隋圖經及貞觀地志並言劉

蜀所置即漢縣蓋誤

入于酉水酉水東南至沅陵縣

漢析下雋置屬武陵郡陳為沅陵郡治唐為辰州治今仍之

入于沅

資水

資水出零陵都梁縣路山

漢屬零陵郡吳寶鼎元年分屬邵陵郡晉武帝析都梁置武岡縣隋平陳時省入邵陽在今武岡州東五里東北過夫夷縣

漢屬零陵郡吳寶鼎元年分屬邵陵郡晉更名扶縣宗

書云疑是避桓溫諱更名隋平陳時省入邵陽陳芳績曰新甯縣志隋省夫夷入邵陽唐為蔣竹縣考唐書無之

又東北過邵陵縣之北

秦置曰始陵縣漢屬長沙國吳更名曰邵陵隋無唐武德四年復置屬邵州五年省入邵陽在今邵陽縣境汝南郡西漢之召陵縣為春秋之召陵隋大業省入鄆城在今鄆城東三十五里非此地也

又東北過益陽縣北

秦置屬長沙國吳太平二年分屬衡陽郡隋改屬長沙

郡唐遷治宋初改屬鼎州尋復元元貞二年升州明洪武二年復爲縣屬長沙府

又東與沅水合於湖中東北入于江也

湘水

湘水出零陵始安縣陽海山

漢屬零陵郡吳甘露元年分立始安郡于此唐貞觀八年更名臨桂縣爲桂州治宋靜江府治元靜江路治明桂林府治

東北過零陵縣東

秦置屬長沙郡漢武帝元鼎六年爲零陵郡治隋平陳

時省入湘源五代馬氏于此置東安場宋雍熙元年升爲東安縣屬永州

又東北過洮陽縣東

漢屬零陵郡隋平陳時省入湘源唐武德四年復貞觀八年省晉天福中馬氏更湘源爲清湘明洪武初省清湘入全州今洮陽故城在全州北三十五里

又東北過泉陵縣西

漢屬零陵郡隋開皇初更名零陵今屬永州府

又東北過重安縣東

西漢名鍾武屬零陵郡東漢永建三年更名重安晉屬

衡陽郡齊屬湘東郡隋省入衡山

又東北過鄱縣西

漢高帝置屬長沙國吳分屬湘東郡晉太康二十年省入臨蒸今故城在衡州府東十二里

承水從東南來注之又東北過陰山縣西

秦置屬長沙郡晉屬湘東郡隋省入湘潭

洙水從東南來注之又北過醴陵縣西

東漢析臨湘縣置屬長沙郡本志作析湘南恐誤隋省入長沙唐武德四年復屬潭州元元貞元年升州明洪武二年復為縣

澧水從東南來注之又北過臨湘縣西

秦置湘縣為長沙郡治漢高帝更名臨湘晉永嘉中併立湘州治此隋開皇更名長沙縣唐潭州治

瀏水從縣西北流注之又北瀉水從西南來注之又北過羅縣西

楚文王徙羅子國自枝江居此秦置縣屬長沙郡隋屬巴陵郡義甯中改曰羅川唐武德四年省入湘陰今在湘陰東八十里陳芳績曰平江古蹟中亦有廢羅縣在故縣鄉八都秦置後漢遷十五里為中縣又有廢中縣去平江二十里五代後唐改平江縣置中縣址存

潁水從東來流注之又北過下雋縣西微水從東來流注之又北至巴邱山入于江

鍾水

鍾水出桂陽南平縣都山

漢屬桂陽郡六朝省入臨武陳芳績曰隋志無考疑梁陳間省唐咸亨二年復置天寶二年更名藍山縣移治屬郴州宋崇德元年改屬桂陽軍宋末遷今治明洪武元年改屬郴州二年復屬桂陽州唐藍山故縣在今縣北十五里漢南平故縣在今縣東五里

北過其縣東又東北過宋渚亭又北過鍾亭與濯水合又

北過魏甯縣之東

後漢永和九年析郴縣置屬桂陽郡吳甘露元年更名陽安晉太康元年更名晉甯隋平陳時更名晉興唐貞觀八年省咸亨三年復更名資興晉天福初省為寨宋嘉定四年復置紹定中為尚厖所殘遷治管子壕尋更名興甯故城在桂陽州北三十里酈注云雞水即桂水也魏甯故陽安也縣南西二面阻帶清溪桂水無出縣東理蓋縣邑流移今古不同故也

又東北入于湘

深水

水經釋地卷七

深水出桂陽盧聚

繼涵按晉析郴置桂陽陳武帝更名盧陽疑卽盧聚

西北過零陵營道縣南

漢屬零陵郡唐天寶更名宏道宋建隆元年復名明洪武九年省入道州

又西北過營浦縣南

漢屬零陵郡東晉分屬宮陽郡隋省入永陽永陽今永明縣

又西北過泉陵縣西北七里至燕室邪入于湘

耒水

耒水出桂陽郴縣南山

秦置義帝都此漢屬桂陽郡宋郴州治元至元十三年更名郴陽明洪武九年省入郴州

北過其縣之西又北過便縣之西

漢屬桂陽郡宋省入郴陳復置隋復省入郴唐開元十三年析郴北鄉置高陵縣天寶元年更名高亭去便五十里宋熙甯六年從李士燮議遷高陵于便之故基更名永興屬郴州

又西北過耒陽縣東

秦置耒縣屬長沙郡漢曰耒陽屬桂陽郡建武中自鶩

山口移桂陽郡治此梁元帝移治鷺山口隋更名涑陰屬衡州陳芳績曰縣志載耒陰城在鷺山口今夷爲大陂市可見鷺山口大陂市一處也唐武德四年復舊名復舊治元至元十九年升州明洪武八年復爲縣屬衡州

又北過鄱縣東北入于湘

涑水

涑水出茶陵縣上鄉

漢屬長沙國吳太平二年爲湘東郡治隋省入湘潭唐武德四年復置屬南雲州貞觀元年省入攸聖曆元年

復置屬衡州晉屬潭州宋紹興中升軍後復爲縣嘉定四年因平黑風峒析茶陵之霞陽常平康安三鄉立鄱縣涑水之陽屬衡州元至元十九年升州

西北過其縣西又西北過攸縣南

漢高帝析陰山置屬長沙國齊屬湘東郡隋省入湘潭唐武德四年復爲南雲州治貞觀元年屬衡州元貞元年升州明洪武二年復爲縣屬長沙府

又西北過陰山縣南又西北入于湘

澧水

澧水出醴陵縣東澧山西過其縣南屈從縣西西北流至

澧浦注入于湘

漣水

漣水出連道縣西資水之別

漢屬長沙國晉省入湘鄉

東北過湘南縣南

秦置漢屬長沙國吳屬衡陽郡梁更名湘潭隋屬衡州

唐元和復屬潭州元元貞元年升州明洪武二年復縣

屬長沙府

又東北至臨湘縣西南東入于湘

瀏水

瀏水出臨湘縣東南劉陽縣

吳析臨湘縣置屬吳昌郡晉屬長沙郡隋省入長沙唐

景龍二年復屬潭州元元貞元年升州明洪武二年復

遷治屬長沙府吳故城在今居仁鎮

西北過其縣東北與澇水合西入于湘

澗水

澗水出豫章艾縣

治修水東北漢屬豫章郡陳永定三年分屬豫甯郡隋

開皇九年省入建昌唐貞元十五年析武甯置分甯縣

元大德五年為甯州治明改為甯縣屬南昌府宏治十

六年升州漢城在今甯州西一百里

西過長沙羅縣西又西至磊石山入于湘水

廬江水

廬江水出三天子都北過彭澤縣西北入于江

漢屬豫章郡吳改屬武昌郡晉初屬豫章郡永嘉元年改屬尋陽郡陳芳績曰永嘉應是永興卽立郡時分屬○齊屬尋陽郡梁太原郡治隋開皇九年改曰龍城十八年復名屬江州唐武德五年徙治浩山下爲浩州治八年歸江州南唐昇明二年徙治小孤江次漢城在湖口東三十里唐城在今縣南二十里○山海經曰廬江

出三天子都入江彭澤西吳任臣注引汪循率山記云或以績之大鄣山爲山海經所稱三天子都非也水經漸江出三天子都在率東廬江出三天子都入彭蠡在率西今維率山之水山陰山陽一東一西而流入江者與古脰合嘗遊率山見巨石上鐫天子都字筆畫摹索可驗其處有仙人跨澗石清風嶺獨枕山近三天子石有圓土岡東西有擂鼓尖振衣岡中擁小石岡竊謂兩巨中小以小爲尊此卽三天子都也又錢氏黃山記載新安吳時憲曰黃山有最高峯曰三天子都東西南北皆有鄣婺有三天子鄣南都也匡廬亦稱天子鄣西鄣

也績溪有大鄆東北鄆也天都為天子都率山匡廬大鄆為天子都之鄆其說似為允云

贛水

贛水出豫章南野縣

漢屬豫章郡初平二年改屬廬陵郡晉太康三年分屬南康郡唐開皇九年省

西北過贛縣東

漢高帝六年使灌嬰略定江西置縣以防趙佗屬豫章郡初平二年屬廬陵郡吳嘉禾五年屬南部都尉太康三年為南康郡治徙葛姥故城宋徙于贛水東梁徙于

贛水南貞觀九年徙復舊治為虔州治

又西北過廬陵縣西

秦屬九江郡漢屬豫章郡興平元年孫策改曰西昌晉屬廬陵郡隋開皇十年省入安豐大業八年移泰和縣治此十二年陷于林士宏唐武德五年林士宏降以縣為南平州治八年還屬吉州貞觀五年以常經寇陷徙歸故城乾元三年又徙于白下驛今泰和縣也漢故城在縣西三里

又東北過石陽縣西

東漢永元中析新淦置屬豫章郡後省入平都初平二

年析廬陵平都贛章零都南野五縣復置屬廬陵郡隋
 更名廬陵為廬陵郡治唐開耀元年遷治永涪元年吉
 州亦徙治于此南唐保大八年析廬陵水東十一鄉置
 吉水縣漢石陽故城在今吉水縣東北二十里陳芳績
 曰石陽故城吉安府志一云在吉水東北二十里一云
 在泰和西北三十里石陽坳明一統志云在新淦東南
 五十里按水經贛水西北過廬陵縣西又東北過石陽
 縣西又東北過新淦縣西以此推之泰和之石陽反在
 廬陵之南贛水之西非矣其在新淦者府志既無但見
 一統志又似不臨贛水恐亦未確惟在吉水者合水經

當以為是

又東北過漢平縣南

東漢中平中析宜春置屬豫章郡吳更名吳平隋開皇
 十一年省入宜興故城在今新喻縣東一百十里

又東北過新淦縣西

秦始皇二十五年置屬九江郡漢屬豫章郡都尉治興
 平三年為南部都尉治陳永定間屬巴山郡舊在清江
 鎮隋開皇十年徙南市村屬吉州南唐屬洪州宋涪化
 三年分屬臨江軍元元貞元年升州明洪武初復為縣
 屬臨江府漢故城在臨江府東六十里

又東過南昌縣西

漢屬豫章郡隋開皇九年省入豫章唐武德五年復寶應元年更名鍾陵貞觀中復故名為洪州治南唐交泰二年為南昌府治宋太平興國七年析南昌置新連縣附洪州郭陳芳績曰按圖經南昌三改五遷隋開皇中自郡西徙之城北唐貞觀中徙附郡城歷宋元為倚郭縣

又北過彭澤縣西北入于江

水經釋地卷七終

海甯錢保塘
華陽吳祖椿覆校

水經釋地卷八

曲阜 孔繼涵 誦孟

漸江水

漸江水出三天子都北過餘杭

秦始皇三十七年置屬會稽郡東漢分屬吳郡舊治苕溪北熹平中徙治溪南去舊城半里吳黃武五年分屬東安郡七年歸吳郡寶鼎元年分屬吳興郡隋屬餘杭郡宋熙甯初復治苕溪北屬臨安府今屬杭州府○海內東經曰浙江出三天子都在其東吳任臣注云浙江之名前此未有始於山海經水經酈注浙江即浙江也

吳越春秋越王至浙江之上望見大越山川重秀天地
再清史記云水至會稽山陰爲浙江又云秦始皇至越
唐臨浙江盧肇云浙者折也蓋取其潮出海屈折倒流
也一名羅刹江亦名浙河莊子所謂浙河之水有吞天
沃日之勢謝康樂云浙河之外棲遲山澤是也郭子章
郡縣釋名云又名曲江七發曰將以八月之望觀濤于
廣陵之曲江曲廼折之謂也然南齊書言南兗州刺史
每以秋月出海陵觀濤則曲江自在廣陵非浙江明矣
又一統志引經云三天子山在率東率山今在休甯縣
俗名張公山何喬遠輿地記云休甯縣山曰率山水曰

率水山海經浙江出三都山在率東蓋此山也今本無此文

東入于海

桓水

桓水出蜀郡岷山西

秦置漢屬益州晉武帝改成成都國尋復隋初曰益州開
皇二年置西南道行臺省三年復置總管府大業元年
府廢爲蜀郡屬梁州唐至德二載曰南京爲成都府上
元元年罷京屬劍南道太平寰宇記云武德元年改益
州置總管府管十九州三年罷總管府置西南道行臺

九年罷行臺置都督府督十州龍朔元年升大都督府
天寶元年改蜀郡仍爲大都督府督劍南三十六郡至
德二載駕還西京分爲劍南東川西川各置節度使唐
德元年并東西川爲一節度使宋屬劍南西川節度大
平興國六年降爲益州端拱元年復爲劍南西川成都
府淳化五年降爲節度嘉祐五年復爲府治成都帶成
都路安撫使元至元十三年立成都路隸四川行中書
省明洪武初改府隸四川布政司

南行羌中

陳芳績曰松州禹貢梁州兼雍州域爰劍諸羌居焉後

漢西羌傳曰西羌本出三苗蓋姜姓之別種其國近南
岳及舜流四凶徙之三危今河關之西南羌地是也有
爰劍者秦厲公時爲秦所執以爲奴隸後得亡歸其後
子孫各爲種或爲羴牛種越巂羌是也或爲白馬種廣
漢羌是也或爲參狼種武都羌是也至爰劍曾孫忍獨
留湟中忍子研後爲研種漢景帝時有留何求守隴西
寨于是徙留何等于狄道安故研後至燒當其子孫更
以燒當爲種號滇良者子滇吾父子強盛常雄諸羌在
晉內附以其地屬汶山郡宋齊亦得之後爲西魏所有
魏白水羌像舒治者自稱鄧至王據此地其子舒彭遣

使朝貢乃拜龍驤將軍甘松縣開國子周保定五年罷
龍涸防天和元年改置扶州領龍涸郡
入于南海

葉榆河

益州葉榆河出其縣北界

漢屬益州郡明帝永平十二年分楛榆屬永昌郡後主
建興二年分屬雲南郡宋屬東河陽郡齊仍西阿郡亦
有葉榆縣後無元憲宗七年立太和城千戶所至元二
十六年置河東縣爲理州治後改太和縣屬大理路其
地亦爲浪穹詔居之卒爲南詔所并立浪穹州元立浪

穹千戶所至元中改縣屬鄧川州明太和縣爲大理府
治有太和城在大理南十五里卽南詔徙治所

屈從縣東北流過不韋縣

漢武帝時哀牢國內附置不韋縣屬益州郡東漢分屬
永昌郡晉仍後無明洪武十三年以古不韋縣置鳳溪
長官司屬永昌軍民府鳳溪山在治東酈注云不韋縣
北去葉榆六百餘里榆水不逕其縣自不韋北注者盧
倉禁水耳

東南出益州界入牂牁郡西隨縣北爲西隨水

漢屬牂牁郡宋屬梁水郡隋已後無

又東出進桑關過交阯蒼泠縣北

漢屬交阯郡都尉治女子徵側為主處馬援平之晉曰麋泠為新昌郡治隋以後無

分為五水絡交阯郡中至東界復合為三水東入海

溫水

溫水出牂牁夜郎縣

漢故夜郎侯邑臨牂牁江都尉治建甯二年分屬興古郡晉永嘉五年為夜郎治兼立充州隋沒於蠻唐武德四年置夜郎縣六年省貞觀十六年復置屬珍州元和三年改屬濠州宋太觀二年復置屬濠州宣和三年廢

在今桐梓驛西二十里

又東至鬱林廣鬱縣為鬱水

漢屬鬱林郡吳更名陰平縣仍屬鬱林郡梁為定州治唐初屬貴州麟德二年為鬱林州治宋開寶四年省入興業陳芳績曰宋書云開寶四年改鬱林誤在今貴縣境

又東至領方縣東

漢屬鬱林郡吳更名臨浦縣晉武帝復名領方建武元年分屬晉興郡宋仍屬鬱林郡梁為領方郡治唐武德四年屬南方州貞觀五年為賓州治宋與州同移舊城

北廢琅邪縣明省入賓州在今遷江縣境
與斤員水合東北入于鬱

存水

存水出犍為郁郛縣

漢屬犍為郡後漢省晉曰存驪屬建甯郡唐初曰都郛
武德二年省三年復置天寶元年更名義賓縣屬戎州
南溪郡宋太平興國元年更名宣化熙甯四年省入夔
道為鎮宣和元年復置屬敘州元元貞二年于縣置屬
戶府後省在今宜賓縣境陳芳績曰案寰宇記宜賓縣
本漢南安縣地屬犍為郡蜀諸葛亮南征于此置郁郛

戎後改為郁郛縣唐開元十七年為義賓縣後移于狼
川即今理也本朝開寶九年改為宜賓疑有舛誤
東南至鬱林定周縣為周水

漢屬鬱林郡三國無

又東北至潭中縣注于潭

漢屬鬱林郡晉書為桂林郡首縣齊更名齊熙并為熙
郡及東甯州治陳芳績曰齊為熙郡見廣西通志按宋
書無潭中齊之桂林郡仍有潭中齊熙郡無屬縣亦無
甯州隋開皇十八年更名義熙為融州治大業初并屬
始安郡唐武德四年為融州治六年更名融水縣五代

水經釋地 卷八
初屬楚後屬南漢明洪武初降融州爲縣以融水縣省入屬柳州府

泐水

泐水出武陵鍾成縣北界沅水谷南至鬱林鍾中縣與鄰水合又東至蒼梧猛陵縣爲鬱溪

漢元封五年置屬蒼梧郡晉穆帝分屬永平郡隋開皇十八年省入蒙靜隋末蕭銑復置曰孟陵唐貞觀八年改屬梧州光化中馬敦表屬桂州五代之初屬楚晉乾祐三年屬南漢宋省入蒼梧在今蒼梧境

又東至高要縣爲大水

漢屬蒼梧郡宋改屬南海郡梁高要郡治隋信安郡治唐端州治宋肇慶府治

又東至南海番禺縣西分爲二

秦始皇三十三年置交州及南海郡治後尉佗都吳廣州及南海郡治隋開皇十三年省入南海唐長安中復置遷河南洲上今名盧循城宋開寶五年省入南海皇祐三年復置遷附廣州東城明屬廣州府漢縣在廣州府南五十里唐縣在廣州府城南十里

其一南入于海其一又東過縣東南入于海其餘水又東至龍川縣爲涅水

秦置屬南海郡晉咸和六年分屬東莞郡梁屬梁化郡
隋開皇十一年省入河源唐武德五年復置貞觀元年
省入歸善○今之龍川縣乃晉太和三年析龍川縣置
名雷鄉縣屬永平郡隋省入河源唐天授二年復置屬
循州南漢更名龍川爲循州治明洪武二年改屬惠州
府

屈北入員水員水又東南千五百里入南海

戴氏云自其餘至員水十六字近訛入注內考注稱浪
水枝津卽解其餘水也又稱逕博羅縣西界龍川卽解
東至龍川也下經文員水又東卽承此員水言也

灘水

灘水亦出海陽山南過蒼梧荔浦縣

漢元鼎中析臨賀荔江之地置屬蒼梧郡三國分屬治
安郡唐武德中爲荔州治貞觀中復屬桂州宋屬靜江
府明初屬桂林府宏治四年改屬平樂府
又南至廣信縣入於鬱水

漢屬蒼梧郡治後漢刺史治隋開皇初更名蒼梧屬封
州唐武德四年爲梧州治明梧州府治陳芳績曰肇慶
志云舊封川在今縣西一里舊府志則謂漢廣信縣在
今縣西一里梁改梁信隋改封川唐武德四年又改封

興宋開寶六年復改封川洪武二年遷縣治于州治縣址遂爲民居是以舊封川縣卽舊廣信縣也一統志則謂漢廣信縣爲蒼梧郡治隋初改蒼梧縣屬封州舊唐書亦云則封川實漢廣信地未必遂爲縣治又按封興劉宋以廣信地置隋大業省入封川非以封川改封興也○又有都樂縣城通志及府縣志謂在封川防場鄉都樂村唐宋屬康州考唐書宋史俱無此縣豈立而卽廢之乎或卽都城

沱水

沱水出桂陽縣盧聚

秦置屬長沙郡漢高帝二年分屬桂陽郡吳甘露元年分屬始興郡隋熙平郡治唐連州治元至元十九年省入連州陳芳績曰按宋史有二桂陽一屬連州治一屬郴州疑有一誤又元史連州無桂陽別有桂陽州云唐宋以來桂陽或連州別遷故至元十九年以桂陽升州非郴州之桂陽也

東南過含沱縣南出沱浦關爲桂水

漢屬桂陽郡吳甘露元年分屬始興郡宋泰始五年分屬宋安郡元徽四年更名含洸梁天監元年爲衡州治唐武德四年復置沱州貞觀元年還廣州南漢乾和五

年分屬英州宋屬英德府元無明爲浚洸司在英德縣西七十五里

漆水

漆水出桂陽臨武縣南繞城西北屈東流

漢屬桂陽郡唐如意元年更名隆武神龍元年復名屬郴州晉天福中省入平陽宋紹興十年復置屬桂陽軍東至曲江縣安聶邑東

漢元鼎四年置初名曲江因縣之東有曲江岡故名後以長江迴環改名曲江屬桂陽郡吳甘露元年分立始興郡治此宋廣興郡治齊始興郡治隋並屬南海郡唐

韶州治明韶州府

屈西南流過浚陽縣

漢屬桂陽郡吳甘露元年分屬始興郡宋泰始三年改浚爲貞屬廣興郡梁天監元年爲陽山郡治隋初屬淮州尋省入曲江唐初復置貞觀元年仍名浚陽屬廣州南漢乾和五年立英州于此宋英德府治元英德州治明洪武初更名英德縣屬韶州府

出涯浦關與桂水合南入于海

漢書中宿縣有涯浦關

斤員水

水經釋地卷八

斤員水出交趾龍編縣

漢屬交趾郡後屬為交趾郡治唐武德四年置龍州貞

觀元年廢以縣屬仙州後屬安南都護府

東北至鬱林領方縣東注于鬱

容容

夜

納深州安定有鹵縣

湛

乘交趾蒼梧有馮乘

牛渚

須無

無濡

營進

皇無

地零

侵黎

無會

重瀨

夫省

無變

益州越嵩郡有會無縣

由浦

王都

融 漢潭中縣後為融水縣

勇外

右二十水從江已南至日南郡也

秦始皇三十三年置象郡漢元鼎六年更名日南郡屬交趾吳廢晉太康三年復屬交州隋開皇十八年曰智州大業初廢唐武德五年以日南郡之文谷金甯二縣置智州貞觀元年更曰南智州後棄李仙根使安南紀云交趾之地即安南交州即日南西北自交岡來故曰

交趾東北界廣西東界廣東西界雲南西南界老撾即古哀牢南插入大海中通占城黎氏立國在富良江西後三峯山左安子山右繖圓山插入雲霄富良江左右纏抱前入大海亦南荒一都會也

嵩高為中嶽在潁川陽城縣西北

泰山為東嶽在泰山博縣西北

霍山為南嶽在廬江灄縣西南

華山為西嶽在宏農華陰縣西南

雷首山在河東蒲坂縣東南

砥柱在河東大陽縣東河中

王屋山在河東垣縣東北也

太行山在河內野王縣西北

恆山爲北嶽在中山上曲陽縣西北

碣石山在遼西臨渝縣南水中也

漢屬遼西郡永平府志云後漢省入驪城晉慕容廆置永樂縣魏太平眞君八年省入廣興正光中復曰永洛屬樂浪郡後廢興和二年復置齊天保七年改屬昌黎郡尋省永平府志云位制經遼錦州永樂下註云魏之樂浪郡永樂蓋置樂浪于遼西郡地而治連城水經之河連城臨渝故城也謂之故城非後之臨渝矣唐貞觀

十五年于故臨渝城置臨渝縣萬歲通天元年更名石城屬平州遼移治南五十里天贊元年分屬灤州宋宣和四年賜名臨關元至元三年省入義豐尋復置陳芳績曰按元志至元六年省入義豐恐誤有諸碑銘可証似廢在至正末延祐七年併灤邑縣于石城灤邑無考明爲開平衛

析城山在河東濩澤縣西南

舜所漁處漢屬河東郡東漢侯國三國分平陽郡北魏興安二年遷治隋屬長平唐天寶元年更名陽城金元光二年升勣州元復縣屬深州漢城在今陽城縣西三

十里

大嶽山在河東永安縣

壺口山在河東北屈縣東南

龍門山在河東皮氏縣西

梁山在馮翊夏陽縣西北河上

故少梁周顯王十一年秦魏戰于少梁本梁國為秦所滅至惠文王十一年更名夏陽漢屬左馮翊北魏分屬華山郡隋廢唐武德四年析郃陽置河西縣乾元二年復名屬河中府大曆三年改屬同州宋熙宗四年省入郃陽故城在郃陽縣東四十里或云在韓城南

荆山在馮翊懷德縣南

漢高帝置屬左馮翊莽曰德驩屬列尉大夫後漢省入頻陽晉自甯州彭原縣界移富平治此屬北地郡西魏大統五年徙治周閔帝二年為中華郡治建德四年并屬馮翊郡隋屬京兆郡唐天授二年改屬宜州大足元年還屬雍州開元中移治義亭城雍錄云漢懷德縣即唐同州之朝邑又云亦唐衙縣陳氏芳績曰雍錄誤唐耀州後因兵毀元將張良弼徙治窰橋頭明屬西安府漢城在今富平縣西南十五里荆山下西魏城在今縣

東北十里唐城未詳所在

岐山在扶風美陽縣西北

古岐陽鎮漢屬右扶風魏太和十一年移治武功周爲
燕州治太和四年自武功還舊治并置燕州建德三年
省入岐山唐貞觀七年析扶風岐山及上宜置岐陽縣
元和三年省故城一曰在扶風北二十里卽法門鎮一
曰在武功西七里

汧山在扶風汧縣之西也

漢屬右扶風中平六年分屬漢安郡晉復屬扶風永嘉
後省魏永熙元年復置爲隴東郡及東秦州治西魏改

曰杜陽又改東秦州爲隴州周曰汧陰隋開皇五年更
名汧源仍隴州治大業初并屬扶風郡義甯二年分爲

汧陽郡治唐屬隴州明洪武二年省入隴州

隴山終南山敦物山在扶風武功縣西南也

西頭山在隴西臨洮縣西南

漢屬隴西郡南部都尉治晉惠帝分屬狄道郡魏眞君
六年以臨洮縣升爲郡西魏改置溢樂縣及同和郡并
立岷州隋大業初復名屬臨洮郡義甯二年後曰溢樂
爲岷州治唐陷入吐番宋省入祐川明岷州衛

嶓冢山在隴西氏道縣之南

鳥鼠同穴山在隴西首陽縣西南

積石在隴西河關縣西南

都野澤在武威縣東北

漢屬武威郡後無唐武德元年置神烏縣貞觀元年省
總章元年復置曰武威縣神龍元年復故名屬涼州後
無

合離山在酒泉會水縣東北

漢屬酒泉郡北部都尉治偃水鄯東部都尉治東部鄯
晉後無在明肅州衛北

流沙地在張掖居延縣東北

漢屬張掖郡都尉治居延澤在東南即流沙也獻帝分
屬西海郡晉後無在明甘州衛北五百里即亦集乃城
三危山在燉煌縣南

古瓜州左氏傳允姓之姦居于瓜州是也漢置縣屬燉
煌郡中部都尉治步廣唐為沙州治後無

朱圉山在天水北冀縣南

岷山在蜀郡湔氐道西

熊耳山在弘農盧氏縣南

荆山在南郡臨沮縣東北

內方山在江夏竟陵縣東北

古鄖子國秦白起拔郢東至竟陵卽此漢置縣屬江夏郡晉元康九年分屬竟陵郡梁徙治雲杜隋後無陳芳績曰或云西魏改曰霄城周復名恐誤故城在今景陵西三十里巾港

大別山在廬江安豐縣西南

外方山崧高是也

桐柏山在南陽平氏縣東南

陪尾山在江夏安陸縣東北

衡山在長沙湘南縣南

九江地在長沙下雋縣西北

雲夢澤在南郡華容縣之東

東陵地在廬江金蘭西北

繼涵按漢志廬江郡故淮南文帝十六年別爲國金蘭

西北有東陵鄉此金蘭非縣一本有縣字誤

敷淺原地在豫章歷陵縣西

漢屬豫章郡建安十五年分屬鄱陽郡宋永初間有後

無或云梁省入柴桑唐爲蒲塘場楊吳順義七年升場

爲德安縣屬江州

彭蠡澤在豫章彭澤縣北

中江在丹陽蕪湖縣西南

水經釋也

水經釋地 卷八
吳鳩茲邑漢屬丹陽郡吳黃武中徙治于西三十里蕪湖志云吳永安中卽縣置故鄣郡晉咸和四年于縣僑立南豫州興甯元年爲宣城郡治尋復故後省入襄垣唐武德中爲蕪湖鎮南唐復置屬昇州宋初屬宣州太平興國二年改屬太平州

東至會稽陽羨縣入于海

古稱荆漢秦置縣屬會稽郡東漢屬吳郡吳寶鼎五年分屬吳興郡晉永嘉四年分爲義興郡移治君山北麓尋復故隋開皇九年更名義興屬常州唐武德三年分爲鵝州治八年歸常州乾元二年改屬潤州三年歸常

州又唐武德三年析義興置陽羨屬鵝州八年省入義興因六朝曾移治于此宋太平興國元年避諱更名宜興元至元十二年以縣爲南興軍十四年復縣屬常州路十五年分爲宜興府治元貞元年改爲州明洪武元年復縣屬常州府唐城在今宜興南五里

震澤在吳縣南五十里

周泰伯國秦置吳縣會稽郡治東漢改屬江都郡後復陳爲吳州隋開皇九年隨蘇州遷治于橫山下唐武德七年復故治梁開平三年錢鏐奏析吳之松陵鎮置吳江縣屬蘇州今蘇州府治

北江在毗陵北界東入于海

嶧陽山在下邳縣之西

羽山在東海祝其縣南也

古夾谷漢置縣屬東海郡宋省唐武德四年置名新樂
縣六年復故名八年省入懷仁在贛榆西五十里

陶邱在濟陰定陶縣之西南

菏澤在定陶縣東

雷澤在濟陰成陽縣西北

古邾國秦置縣沛公項羽迎章邯至成陽攻屠其城漢
屬濟陰國晉更成爲城寰宇記曰晉氏南遷之後濟陰

縣移理于此魏屬濮陽國北齊省隋開皇十六年復置
更名雷澤屬東平郡唐屬濮州金貞元二年省入鄆城
爲鎮在濮州東南一百里

菏水在山陽湖陸縣南

蒙山在太山蒙陰縣西南

漢屬太山郡東漢省入南武陽山東通志云省入東莞
晉復置屬琅邪郡隋書云北齊省入新泰元皇慶二年
復置屬莒州明改屬青州府

大野澤在山陽鉅野縣東北

春秋魯南武邑卽獲麟所秦置縣屬山陽郡彭越在鉅

野眾萬餘人無所屬是也漢武帝元光三年河決注鉅野通淮泗汎郡十六晉泰始元年分屬高平郡魏改屬任城郡後省隋開皇十六年復置屬東平郡唐武德四年為麟州治五年還屬鄆州後周為濟州治金大德中省入嘉祥任城金鄉元至元六年復置屬濟甯路明屬兗州府

大邳地在河南城臯縣北

酈注云大邳山名非地名也

明都澤在梁郡睢陽縣東北

益州沱水在蜀郡汶江縣西南

古冉駹國漢武帝元鼎六年為縣並立汶山郡宣帝地節三年并屬蜀郡靈帝分為汶山郡治晉分置廣陽縣改屬汶山郡梁為繩州廢汶山縣存廣陽隋改廣陽為汶山隋書曰舊曰廣陽仁壽元年更名未考也唐為茂州明省入茂州漢城在茂州北二里
其一在郫縣西南皆還入江

古卑邑為蜀王杜宇所都秦置縣屬蜀郡隋仁壽二年分屬濛州大業二年還蜀郡明屬成都府

荆州沱水在南郡枝江縣

三澁地在南郡郢縣北沱

案原本及近刻並訛作三澁地之南在邛縣之北考即
縣地理志南郡之屬縣孟康曰音忌又注稱經云邛縣
北沱可據以訂經之訛舛今改正
右禹貢山水澤地所在凡六十

水經釋地卷八終

海甯錢保塘
華陽吳祖椿覆校

